



皇甫司勳集卷之二十一

吳郡 皇甫沔子循 撰

五言律詩九十四首

解官歸奉荅子浚凡

早歲從羈宦終年辭密親
長蘿謝逋客芳草遲歸人
廬幸存先敝家徒減仲貧
故園華萼在何必日南春

荅子約弟

出處本無定分飛任所之
如何掛冠日況是阻兵時
宦惜潘生拙歸嫌陶令遲
北風待高翼莫學守

南枝

荅陸子

投劾謝當路因書報隱君從茲返初服聊得慰離
羣棹處汀洲月耕時洞口雲北山期共入那復待
移文

過張子新居

早學樊生圃初歸平子田蕉陰清簾上花氣綠窓
前客每携樽往予思借榻眠墻東喜相接無用買
鄰錢

肅子約秋日齋中讌集

憐君暫休汝畱客賦郊居琴興聞蟬後秋聲落木
初白雲間北牖芳草歇前除即序方盈念貧交已
漸疎

重挽周以言二首

委化同桑戶嗟來弔寢門迷途非敏夢顧影似嵇
蒐總帳風偏瑟松丘日易昏平生金藥秘無復枕
中存

把臂成淹忽傷心每泫然笛聞堪有賦琴在已亡
絃訪宅爲幽里尋溪是夜川襄陽多棄草何處購
遺篇

荅黃志淳

憶爾因兵火携家住石城嗟余解纓絡稅駕返柴荆
夢裏秦淮遠愁中歲月更如何書寄語猶是未歸情

送唐應德遊武夷

那堪逢亂後重此對離羣歲晚崇江道天長幔嶺雲
靈魚尋漢祀仙掌謁夷君獨徃清溪夜啼猿幾處聞

題屈氏廢居

海上逢殘寇山中憶敝廬可憐虞仲里誰卜屈平

居棟沒秦灰後臺傾蔓草餘秋螢飛不散猶似照遺書

送陸子還西山

湖山招隱地歲晚獨歸人寇亂惟衰鬢途窮共此身
門閑松散釣甌滿范生塵別後毛壇路花溪夢裏春

冬宵柬子約

曼容歸念早逸少宦情闌詎是淮陽薄其如蜀道難
長林扉獨掩永夜榻同寒爲謝閩中使江臯歲已殫

哭姪阿乘三首

生期嗣芳軌奄忽撫靈車竹下銜杯盡苔前望履
虛膏帷初息照塵榻尚畱書竟去依長夜心傷十
起餘

夙齡稱獨秀弱質竟罹災一旦隨朝露千秋闕夜
臺爲山成復止逝水去無回始悟蘭芳促何應壽
不材

長魚疲侍疾季琰妙通禪毀性安疎節無生得大
年松丘成異代花徑隔重泉一見西河泣誰能不
泫然

登天平廢寺

古寺空山裏重來感廢興尋谿迷蔓草攀壑籍危
藤遶樹多寒鵲燃燈止病僧獨憐青嶂外猶見白
雲層

錢侍御傅亡友周子儻於虞山感賦

嗟君成物化何事得仙游術向青華秘名從綠簡
收空棺存敝杖藥市即丹丘柱史生前契靈筵永
夜畱

四月八日讚佛

四禪開孟月八解應芳辰香梵迎祥蓋燈筵候法

輪觀空成彼岸戒寂示來津髮髯金光裏如來此
現身

四月十四仙誕日因憶以言

令節啓朱明羣仙降太清冀猶虧一葉芝已秀三
莖磨鏡非凡迹懸壺豈世情不知塵市裏何處覓
周生

頌藥師燈

洎碣留真諦維摩習病禪欲除諸障染聊示一燈
燃生滅俱成幻光明即是綠蓮花如有悟何必待
薪傳

詠扇

吳繭新傳製齊紈舊得名塵來聊障面歌罷尚持
情學月何曾滿懷風不奈輕莫須逢內史價始重
稽城

坐忽春暮擬結山遊簡我兄弟二首

春芳餘復幾塵戀苦相仍負杖才堪起單衣已自
勝溪畱花共入山待月同登欲往招公子無言病

未能

長兄病
初愈

聞君閉關處跌坐學維摩春色遙相待流芳惜易
過逢鷗機事少攀樹隱情多不稅東山駕投簪意

若何

姪秦宅觀玉蘭

玉樹傳吳產幽枝異楚叢競芳春色裏畱賞夕陽
中弱質全矜素繁妝最妬紅况逢佳子姪不忝謝
家風

子約日耽內典因贈

積雨淹幽徑高雲翳遠峯披經詮范績就佛禮何
顛華悴觀朝槿清虛鳴夜蛩非緣禪悟早那使宦
情慵

寄雲谷上人

棲霞信靈境滅跡企前規松覆梁王宇苔荒江總
碑鱸歸秋興後猿定夜禪時怨別心千里惟應江
水知

夏日吳橋見訪

逃暑掩柴關清風喜乍攀噫歌出嵩洛招隱入湖
山離亂空洞髯窮愁爲損顏梁王方好客何事倦
遊還

悼甥吳彥先家在吳江曾隨余括州別後竟

逝云

獨行嗟難合玄思惜未成泉幽流壑恨楓冷咽江

聲鶉結那堪
檢螢飛更不明
向來臨渚淚
何自對
韓生

賦得郊臺送張子讀書楞伽寺

高臺臨水曲
吳國此郊裡
輦路名猶在
壇柴事已
塵
邴知薦壁處
空對下帷人
欲賦興亡恨
愁看芳草春

哭兄詩四首

阮籍生前慟黔婁
死日貧素書遺稚子
今事問何人
泉閔臺空夜
阡開路豈春
緇衣一以歛
爲謝洛陽塵

物化居然盡
吾生詎有涯
援琴堪灑泣
展卷但興嗟
大被虛姜寢
烏衣減謝家
一垂棠棣詠
幾欲罷看花

才高翻見伐
曾是貴無能
滿座思文舉
同時惜彥升
門庭猶置筆
帷榻尚懸燈
祇自雷遺草
將誰訪茂陵

昔共懽娛地
今來倍愴然
隙駒驚電後
行鴈斷霜前
易悴同朝槿
難回似夜川
愧非摩詰弟
含涕輯遺篇

送吳山人之洛川訪弟兼謁西亭王孫

聚糧何所適遠與故山違客路猶吟草王門欲曳
衣行攀楊柳別思逐鵲鴿飛莫作梁園賦淹留待
雪歸

贈嚴叟

聞有君平隱湖山不易逢溪藏幽處塢雲合曉來
峯啼鳥閑中興馴鷗物外踪尋君迷九曲花樹一
重重

偶過長兄故齋作

一自空堂掩傷心今幾回故琴流水盡散帙任風
開物有先秋恨人同急景催徒看芳草合那復履

綦來

吳吏部館聞陳氏洞簫

雅樂初調夏賓筵颯已秋將聲傳鳳翼合曲度鶯
喉咽處非關怨危時似寄愁翩翩公子宅直擬接
秦樓

偶述

抗世跡長屏端居心自遐檢方尋五石行藥問三
花歲逝同流水顏衰欲駐霞不知車馬客何事滯
京華

寄憶盛二仲交

與君何地別遙自舊京歸日日寒潮落年年旅鴈
飛山川白雲間烽火素書稀莫問平原宦幽情已
拂衣

七月十五日頌孟蘭佛會

蕭晨凌上界孟月會中元綺供千花綴芳筵百果
繁流悲咽笙磬佇想現燈幡解脫徵冥理俱來聽
法言

九日觀騎射同子約作

江東少年子結束逞雄材夜宿歌姬館朝登選將
臺輕風連騎發彎月抱弓開二謝登高處聊同戲

馬回

題山泉卷贈蒙侍御

雪水原標勝分泉更有名乘流逢世泰用汲荷王
明蘿月琴中調松風枕上聲夫君驄馬客三輔佇
揚清

九日登半塘寺閣

舊識諸天界今爲九日遊寒塘但蒼靄何處訪緇
流鍾帶西林寺帆通近郭舟憑高攬風物搖落不
勝秋

寄題沈儀曹虞山別業

虞山白雲際梁日樹長秋爲託煙霞好因辭軒冕
遊荒臺仍舊葺涸井詫新流不作郊居賦猶言似
隱侯

哭洞庭友人陸梓二首

蒙叟能齊喪榮期了悟終一朝奄委化萬事若淪
空問字竒偏識臨書法最工今來隱几處長夜起
松風

老就青山隱驚聞白日開貧交復存幾死友重嗟
來僧舍依爲寂仙壇闕作臺臨流送歸處逝水竟
無回

崑山道中延福寺逢琴僧

維舟探野寺取逕度溪橋宿雨鳴才歇寒雲濕未
消琴聲入林細幡影隔花遙流水原無着歸心緩
落潮

寄宋大理

三輔平反久無寃定有謠年隨芳草換山間白雲
遙花色畱潘縣鶯聲憶漢朝莫因辭賦苦宋玉鬢
先凋

寄何白二儀制

帝里承恩日仙曹典禮時共趨門下省同草殿中

儀文藻推西蜀才華重左司鶯花春色遠何處寄
相思

送徐紹卿還洞庭兼訊方子

臨水朝來望還山西渡人柳情非遠道花恨是殘
春槁澤聊吟楚尋源若避秦祇應方處士白首共
垂綸

題息機館

改館託幽居寧知即漱廬塵清新解榻芸覆舊藏
書跡遠冥鷗外心閒賀雀餘何因機事少惟是抱
玄虛

題項二秀才半華書屋

永嘉古名郡山水勝嘗聞幽館逢初構華峯已半
分亭虛堪聽雨逕密若迷雲康樂娛情處清輝直
待君

送章叅岳之蜀兼訊楊太史

移藩因重寄倚棹惜離羣路向巫山去江從巴水
分鄉書秋鴈達客夢夜猿聞聖代文誰似行當薦
子雲

七月六日張幼于館燕別將赴豫章

祖席叨君燕蕭齋與客過旱雲涼思少江月旅情

多著作慙金馬遲迴戀薜蘿欲知臨別恨來日視
星河

富春道中范憲副舟讌

已謝塵中鞅猶同使者舟清尊聊卜夜白髮幾悲
秋山色分杳靄灘深迤急流獨憐垂釣處閱水自
悠悠

鄱陽

鄱口曉來望潯陽路此通頽波銷霸業蔓草沒王
宮霧色香壚上秋聲瀑布中禪心與遊思并落楓
林東

贈旣白宗藩

昔從開邸第常此集簪裾月似西園夜雲疑南浦
初遊梁先已倦入魏左頻虛別建藏書閣銜恩賜
秘餘

贈龍沙宗藩父子

偶作洪都客因承清燕私秋風蘭被坂夜雪竹交
池授簡何能賦吹竽謝所知傳家自有學金善楚
元詩

匡南宗藩別館

不識王孫貴翻同隱者流池開半畝曲地即小山

幽霜冷兼葭夕天長鴈鷺秋何須章水上懷眺倚
空樓

寄羅達夫於雪浪閣二首

一自看花罷俱為泛梗人余棲吳苑月君臥洞門
春道在惟宗魯文成欲過秦關山戎馬後何處嗣
音塵

抗疏辭金馬談經就碧山閱川嗟浪逝忘世覺雲
間即了期言下相逢恐夢間茲遊非泛雪詎作剡
溪還

素州九日

信美登高日宜春有舊臺花非吳地發鴈是楚天
來郭外千家盡窓中萬壑開此鄉多旨酒聊覆使
君杯

與鄭司士夜話

故國經年別他鄉會面難人疑天外至花似夢中
看山瘴侵氈濕江流遶舍寒不知臺省客誰念一
儒官

寄鄒謙之祭酒

予先子與其
父為同年

曾覽先朝籍君家名與通著書稱馬走問道得鴻
蒙歲月別來久雲山歸去同幽居應不遠負郭即

墻東

渠稱東郭君

荅張聚之惠問

六橋花下酒送子返柴居爲別
清秋暮相思章水餘塵驅
馱馬道遠望雙魚何處詢
流寓匡山欲著書

寄子約桃塢別業

隱居思令弟行役愧予昆
花隔南州榻蓬深北郭門
委懷惟素帙寄興有清尊
鄉夢因之望時能到陸渾

宋之問弟

三衢道中

山居無別業民俗半爲農
樹杪開山閣溪灣置水春
採新朝候艇乞火夜聞鐘
歲晏收盧橘猶堪比戶封

庚申元日立春

常年同正旦今歲獨兼春
賞砌才抽莢椒盤併具辛
不知頒曆後遇此幾何人
拂曙蒼旂轉風光一倍新

虎丘北院

只疑山路盡別自隱叢林
草綠知春半花飛覺雨深
到門餘野色燕坐得禪心
一悟生公法傳燈直

至今

送叔氏遊齊雲

新安春水綠乘興謁名山石磴和雲踐金庭就日
攀暫來辭竹下獨往出花間若遇壺中客應知得
道還

送金憲使之蜀少隨父經此

蜀道遙天末巴江春水分嗟余遊少小送客想氤
氲燕坐琴臺月褰帷劍閣雲知君能諭俗無待長
卿文

沈雲卿小度巫峽後
有一想一氣氲之句

送孫生北上拜爵

生子當如仲孫郎更少年丹書藏秘府兵法守遺
篇仗劍都門外揚帆春水前銘勲會須早塞上正
烽烟

吳山遇張幼于讀書僧舍

棲寺猶言近尋山入更深拂帷花作雨喧坐樹鳴
禽乍可辭塵鞅無須滅照心西河索居意今日在
東林

送宗兄擢憲之嶺南

南顧勞宸眷西曹特簡良行為持節使暫解尚書
郎華萼離筵散瓊崖別路長莫令庾嶺外音斷鴈

來翔

王舍人邀遊故相文恪公園亭二首

東閣輕簪組西園盛履綦石聞窮海至花記洛陽
移柳色縈城合槐陰夾路垂吳宮清蹕水留作養
鵝池

疏傳遺金少爲園不買田樓臺卑綠野花石減平
泉逕草萋春雨城烏起暮烟臨池俱欲賦誰在鳳
毛先

悼釋宗衍并示懋公

竹房一夕掩蓮宇幾時開乍禮新封塔空餘舊講

臺香飄林木變月落水禽哀爲問傳心偈誰應更

悟來

虎丘如公關齋寄贈

行苦能違俗心空尚閉關有時花自落何處鳥飛
還觀止風幡後禪叅水月間城居愧張祐春事隔
青山

唐應德輓詩二首 卒于揚州

矢心懷北闕扶病起東山迢遞胡關外驅馳戎馬
間龍韜聊自試鶴馭竟無還落盡淮南桂悲來誰
爲攀

奄棄人間世空留海上營三軍齊灑泣一市罷言
征凱樂成蒿唱牙旗表素旌更聞遺草在猶是出
師情

由罨畫溪登玉陽山院

溪水鏡中渡風帆畫裏看潭猶名玉女地卽訪銅
官向夕山常雨先秋樹已寒洞宵供奉日歸隱
聖恩寬

惠山簡汪沛

閉戶沉冥久尋山感慨生靈泉常淨色空梵亦秋
聲花雨行間濕松陰坐處清不逢雷處士臨眺獨

含情

端威道院悼莊羽士素善琴

偶來芳草地更上紫霄峰出岫知今是尋源感舊
蹤故宮啼鳥雀落日下杉松一自琴亡後壺中遂
不逢

送叔氏入京

客思輕千里官儀望五雲林間傾別酒菊下贈餘
芬北雪衣先授南鴻信早聞倘逢相識薦無忝晉
徵君

赴崑山悼顧武祥

東山辭滿日北郭送歸年駐馬旌方舉鳴笳座已
遷傷心宿草地灑涕菊花天賴有徐卿子寧云似
勇賢

悼過叟二首

吾友嗟凋喪斯人歎屢空高情非俗物隱跡是園
公客散茶烟冷丹銷藥火紅祗餘花徑在誰爲掃
春風

詎有容成術能躋衛武年春山聊別後朝露忽驚
先櫬向梁溪返旌從虞海懸平生竹林飲流涕酒
壚前

送侯憲使之滇因悼楊太史

站嶺炎雲路盤江毒水津君方遙奉使余是倦遊
人鄉淚猿聲夜離心柳色春揚雄今物化芭也欲
誰論

過張子

愁思何自遣寂寞訪張平雪後持經坐花間抱甕
行感時聊復隱翫世已能輕終日蓬門掩那知春
草生

挽張允清二首

尚說遊名嶽寧期作逝川銀臺非舊署石槨是新

阡花恨纔經月松悲似隔年夢迷元伯路驅馬詎能前

奄忽成捐館平生不問家旌書卿士貴簀稱大夫
華草聖留山寺萍踪斷海涯藏舟向何處那復是
乘槎

送槃姪讀書竹堂寺

不遠違親舍尋幽就法堂夜禪寧避虎晨誦忽亡
羊寂滅銷塵想常明引隙光無令竹林賞春草遂
荒涼

簡釋懋

齋關何日閉燕坐罷春風五蘊方持戒諸緣頓悟
空禪叅花雨後法喻鳥聲中自笑無安着將心問
遠公

寶林寺訪徐紹卿疾不遇

客思因秋極禪心獨夜持乍來行藥處曾是散花
時空梵留支座殘經罷董帷東林但聞鳥日暮悵
何之

寄項生校書

一自開東觀經年滯北畿再逢芳草合兩見朔鴻
飛積雪應穿履緇塵定化衣高樓如借問夫壻未

言歸

嘉靖丙辰丁巳戊午己未庚申辛酉作

姪槃謹校

皇甫司勳集卷之二十一

皇甫司勳集卷之二十二

吳郡

皇甫

沈子循

撰

五言律詩九十四首

送蔡中丞之大梁二首

聞君歌赴洛暫此駐熊軒昔羨年方少今看位已尊
尊叢臺連魏寢戚邸半梁園不是夷門客何由慰
贈言

臺端勞簡命河內佇宣風置坐同周處名亭次召
公鄭饑行盡給梁獄到應空可是工詩者誰云宦
並窮

寄東主一元美二首

一掬燕城淚聞君返故鄉
草間逢鹿擾松際有烏
翔宦憶中郎省辭當七子
塲名成身見累渾欲棄
青箱

聞爾閒居日悲來賦未成
候門無雜弔西坐有餘
情淮水流難涸虞丘樹易
驚上書恩不貸感泣謝
緹縈

余有二鶴忽失其一林伯
寅得之慨然見還

賦此以謝

一謝乘軒寵棲田意頗同
雄飛忽冲漢孤響但悲

風翫日慙支遁冥心託塞
翁非君仗高義誰念楚
人弓

孫生讀書道院兼示新詩
因荅

挾策青谿上垂帷晝不開
雨忘流麥去霞記種桃
來變幻雲仙宅荒涼僞玉
臺興公奮嘉藻何異詠
天台

送祖叟隨姚太史遊京

爲重一言諾因輕千里心
青門贈柳色白首念桑
陰旅跡蠅同附鄉書鴈莫
沉平生抱琴德行矣惠
知音

久雨

政虎聞由昔民魚驗自今五湖成大侵累月示恒
陰避世甘淪棄全身但陸沉何能上封事徒爲賦
愁霖

景王之藩恭述二首

帝胤宜承序 賢王遂啓封珪分勞 睿眷笙別
愴慈容地接荆衡勝人多宋景從行看江漢水何
處不朝宗

綺歲占淵識冠年仰令儀邑隣豐起處路卽代來
時桂樹新開逕芙蓉舊作池寧知飛蓋賞別有望

陵思

送文司教北上

當宁崇儒教持經謁 聖君伏生猶未老揚子最
能文帳已同南郡書堪通右軍還憐竹林後見爾
出鷄群

至後徐子見過

戶外久羅雀山中來故人歸田嗟失稔避世笑同
塵榻解南州夜尊浮北海春相看歲云暮坐惜物
華新

送項生入京

爲問西陵客何時發永嘉路隨天外鴈舟泛雲中
花帝典虞堪並皇圖漢未加行瞻天祿閣載筆振
瑤華

春日訪大林和尚

投跡入空境看心媿此身縮巾蒙示結執鏡爲宣
因石壁初消雪筠關久滅塵坐來花落盡猶自不
知春

黃氏中表邀余兄弟展其先塋

歲久川原改春深雨露思亂杉迷故道荒草沒殘
碑往化成千古榮名自一時寧知渭陽水流恨大

夫池

經石湖登治平僧舍

野興臨湖上春光到寺中曲房巖際掩幽徑竹間
通閱水知流止看花悟色空同遊數王謝曾爲訪
支公

四黃子賦詩送釋印受戒之武林屬余奉同
幻跡無安着禪心任去留杯從一夕渡律向五時
修上竺多精舍西陵近沃洲題詩羨諸謝惜別爲
湯休

四月十四日

仙家無甲子吳俗紀生辰首夏蓬山會終宵脯棗
陳蕙猶未滿葵月已漸成輪不見懸壺客何由覓
異人

齒歎

齒錄非余望形衰祇自傷未須論舌在詎是爲唇
亡守默渾無語歡歌漸有妨閨中罕靈藥何得似
張蒼

雨省家園

梅雨淹時久桑陰拂夏長乍窺黃鳥換斷掃綠苔
荒幻跡非園客齊心似藥王朝來觀物後失養悟

嵇康

悼懋上人

一自過春院鶯花悵別離寧知入定後忽是下生
時懷草人間帖支銘座右辭總諳無盡理那遣有
情悲

汪子每書來言還齊雲未果賦此寄之

聞有歸興如何久滯滯白雲遙引日芳草自知
心客鬢風霜改生涯歲月深移文謝猿鶴早晚北
山岑

感事三首同子約作

寵易移宸眷言難悟 聖聰幸逢止輦日真見引
裾風開閣人何在題門客已空徒聞賜歸傳詎比
餞疏公

長夜猶酣飲平明已見收鷹鷂懷雅志魑魅幸生
投勢殆冰消日恩踈葉向秋成功自有序不去笑
穰侯

妙賢應取咎履滿竟成災書上批鱗切辭陳舐犢
哀瘴烟蒙萬里風采動三臺獨惜平津館他時但
草萊

題徐氏雲林草堂

選勝辭金谷探幽慕輞川近郊聊可卜初地不離
禪風景原塵外雲山即眼前徐陵多藻思來草玉
臺編

張幼于廬墓

哀壑廿夜守荒庭罷鯉趨涕禽還自擾淚樹已全
枯孝里人題未安車使到無寥寥松際月弔影夜
空徂

答陳司教

仲舉多推望吾門早有聲一瓊從薄宦六籍引諸
生芳訊銜蘆達新詩揆藻成春風隔相與遙憶咏

歸情

天池舊寺

不盡青山路行來豈畏深
花間惜春暮雲際愜幽
尋峭石迴巒秀長松夾陞陰
金河流梵處非復屬
支林

春日虎丘遇何子

江上昔歸去山中今始逢
花天重會面萍水舊行
蹤幽意關春鳥禪心報午鐘
閒來貪禮佛更喜復
何顒

原明菴

猶厭東林擾重開西土幽
山光分慧照溪水合慈
流塔影過松院鐘聲下竹樓
從茲竟禪理爰淨更
何求

悼黃得之

早共聞江夏今誰謁漢京
未攄三策對曾草萬言
成考謚由賢媛留喪遲友生
頽齡奚恨促不死是
榮名

示內弟沈子

沈約郊居興今來吳市中
移家因亂日懷土復春
風坦腹床何在齊眉案已空
憑將雍門慨一為寄

江東

黃清甫之洞庭訪徐紹卿

湖上乘春棹山中問隱居
病閒行藥後興減落花
餘客舍停雲又僧窓
鑒月虛向來誰把臂
應歎故交踈

悼汪子二首

尚記看花別俄隨落葉傾
計疑千里夢交愴百年
情鄉國無重返泉臺
豈再明張堪妻子在
誰爲託朱生

懷歸曾未得委化竟何言
城罷燕人泣江迷楚客

蒐總帷非故榻絮酒異歡樽
肯惜黃金盡惟餘詩
草存

寄莫憲使

不覩魚中素寧知隔歲情
一官聊自免萬事若無
營髮爲舜劉白書因去
趙成思君對烟草江上
喚愁生

送吳子北上

顏訓家聲遠韋經世業存
鳳毛新沐寵豹尾舊承
恩視草供題翰攀花戀別樽
秋風南鴈起書爲報
青門

送靜公受戒還蜀

遊吳兼適越了自得塵觀劍閣千盤險瞿塘五月
寒隨綠朝乞市說法夜登壇西去乘杯別何曾蜀
道難

吳純叔挽詞二首

京兆新泉路延陵舊世家經廬聞訴笛登壠起悲
笳素業空遺草浮榮若夢華同時裘馬客淚盡曲
江花

年少推江左才高媿洛陽向晨星落落歎逝水茫
茫座爲亡琴冷苔因斷履荒楚竟招不返誰與擅

詞場

寄張幼于廬所

舊卜徵君冢新題孝子鄉入林逢鹿死遶樹見烏
翔坐處無青草攀時但白楊知君廢莪又揮涕不
成章

九日書懷

臥病謝塵事堂陰感迅商懶成中散慢醒學次公
狂菊向籬堪采松依徑久荒不知吹帽客何處醉
重陽

贈汪元彞自虎丘携茶香歸歛

盧郎今更見荀令古來聞茶向僧齋乞香從佛供
分聊將白雲思靜對綠窓薰多少囊金者還家獨
媿君

仲冬對月數宴答子約

冬煖因恒霽宵遊及望舒弓形雲際引桂魄露中
踈樓戀鷓鴣後思深蟋蟀餘清光能幾度再滿歲
將除

送王子之太學

謁帝速征輪知君又席珍才華追大雅文體起先
秦列館槐陰晝園橋藻水春聖朝方養士莫作上

書人

夜登靈巖

青山行處近白社到來稀城化途猶是臺傾殿已
非香泉流壑冷花雨入林微何事烏棲盡僧船載
月歸

始登玄墓

鄧尉開山久輪王結宇深湖光同練水梅樹卽珠
林客興乘春霽僧齋過午陰望中枝勿剪無礙是
禪心

悼張聚之二首

憲也初非病桑乎竟是灾梁空聞燕語門掩見花
開總帳春風冷藜燈夜雨哀從今斷雞黍那復故
人來

居然花月在良友竟無存易下齊山泣難招湘水
魂蓬蒿仍舊舍松柏已新原扶醉因埋骨空思聽
婦言

子約患臂奉訊

靜攝應無恙塵勞暫有虧才非類擁腫德或似支
離燕坐停琴後朝霖罷灌時向來觀化意翻訝肘
生枝

送張幼于之南都應比

老至惜離群時來此送君三山吳地盡一水楚江
分率敏工題賦衡思善屬文猶懷壯夫恥直欲樹
奇勲

答徐紹卿見懷二首

停雲遙引望良晤近何踈以我丘中想開君湖上
書花飛人別後木落鴈來初祗爲懷徐孺長令夜
榻虛

芳歲無淹晷空山忽報秋時危平子歎日暮美人
愁尺素勞相憶雲蹤莫可求清輝惟共月猶自遲

南樓

送清甫遊京師

少年輕遠別相送欲牽衣記室文章似平原肝膽
非草芳過楚歇花落渡淮稀更有帷堂恨霜時定
憶歸

秋日王舍人邀遊支硎山同陸儀曹

同舟叨二客飛蓋此追隨峭石攢雲際疎林着雨
時山秋登更爽寺寂坐相宜何處堪禪悟寒泉獨
在斯

哀弟子約四首

兩度悲兄淚今爲痛弟流棣華翻委露池草竟成
秋檣內孤兒泣帷中少婦愁獨持遺草去恐有茂
陵求

一官聊自免萬事若無營琴綜逍遙罷書詮道德
成惠連嗟令弟法護媿難兄何悟桃園賞重來異
死生

晞世才難合憂時病易侵形全應驗玉藥誤爲投
金捫雀生前逕啼孤死後林却憐遺令日指季獨
傷心

賓館綦方絕靈筵總忽張臨池留翰在撫座惜琴

亡花晝歡娛盡燈宵涕淚長猶言何水部詩思滿
江鄉

季弟子約棄官東歸杜門却掃日延方士
研味道家之旨流覽衛生之經綜琴書以
自娛或翰墨之間作宜其享黃髮而躋上
壽也豈意今秋食鮮疾作伏床第者七旬
捐賓客於一旦廣陵絕響玄草徒存吁嗟
悲矣藐茲遺孤艱以投我悲悼又安可勝
痛耶爰賦四詩衷心感者其辭悽以怨但
韻之而不能文之情也因似良友密親請

各賦之歌以永哀聊以泄吾思爾凡知了
約者必不能忘情抑烏能忘言哉

送王維楨還涇陽二首

王君與余爲藝苑之交忝通家之誼彈冠
仕路二紀彌殷謝秩還山十年成濶雖音
驛數聞而光塵難即每懷良覲千里馳情
乙丑春正上元節後忽駕扁舟蹈積雪衰
經而來以志銘見屬乃知厥考青山公辭
養父矣相對於悒留欵浹旬晤言申且是
又悲中之一喜也明將別去聊賦二詩遍

示諸友凡在同盟無忘占贈云爾

蕭齋避客處解榻遲君時稍覺形容改將無夢寐
疑酬心誰把劍攬涕獨題碑辭之中郎妙空慙有
道知

宦跡一朝謝離心十載還旻天孝子恨風雪旅人
顏夜壑青山裏春帆越水間王哀枯樹在歸憶幾
迴攀

二月十三日與楊中丞王舍人陸儀郎姚茂

宰集吳氏園亭

恒陰方浹月寂寞過花辰不造河陽館安知別有

春池臺尚存故畦徑稍更新同是稽公客當杯獨
愴神

雨後靈濺寺觀梅寺乃梁時古刹有銀杏二

株歲久合抱矣

梁代叢林敞齊關濺水賒觀梅乘雨霽問樹識年
華佛供移香淨僧窓影月斜夜深鐘梵起飄處卽
靈花

妙華菴登樓望太湖

野寺人天外危樓烟雨中三山憑檻接一水挂帆
通浪跡俱成幻浮生併悟空壯遊渾已倦徒自愧

長風

虎丘如公房追憶子約

重探支遁室曾記惠連來
草色迷春夢松聲起夜
哀居然隨物化何自驗
輪迴獨惜題名處殘碑半
覆苔

天池遇劉侍御張文學留宿僧房余先返棹
獨往因春興相逢盡宿緣
散花初地雨施食午時
烟山月分歸照龕燈就臥懸無言去與住諦想不
離禪

贈陳子修道天池

塵累何能遣空門忽遇君
皈心叅繡佛戴髮誦雲
文唄落漁山月禪棲鷲嶺雲
誰憐叔玄婦書去未
相聞

徐翰撰遊齊雲歸因贈

蓬闕雲中嶽花源洞口春
幽探歷山水玄覽出風
塵太史遊何壯興公賦更新
寧知香案吏今是玉
堂賓

春日同諸君虎丘餞別蔡司空分得可中亭
地選香臺勝亭開劍水春
月華懸一鏡海氣儼重
輪圓缺看成幻升沉悟是因
帝京千里共遙夜悵

音塵

奉送再賦

向來遊宦侶試問幾人存暫駐東林駕因携南浦
尊臨溪攀柳細迭塔落花繁訝得休公怨誰能不
黯蒐

顧姊挽詞二首

化俗推慈範宜家著令猷行齊淑女伴才比丈夫
流白日開新兆蒼梧從故丘曾聞入朝語悟主在
無求

榆翟生前寵金蠶死後藏絮風猶擬雪薤露已晞

陽骨化同埋玉蒐銷訖返香淚來開故篋留取彥
先章

訪顧朗生不遇

爲訪山居勝門前一水分寧知牽世網未果謝人
群滿徑翳秋草虛窓閒白雲非關乘雪興了恨未
逢君

題鍾山送幼于之白下

夜壑鍾山裏千秋劍舄存烟霞餘王氣霜露是深
恩鼎定周王業冠遊漢王蒐相如從此去投賦謁
文園

又賦雨花臺

多少南朝寺長干覺路分天花飛晝雨江樹隔重雲
禮塔燈難滅臨臺日易曛莫因逢淨侶開社欲留君

燈夕答徐子

讌賞宵堪永流芳歲復還驪光疑泛海鰲火若浮
山月滿金枝上花生綺綴間無嗟成白首旣醉總
朱顏

新建徐文敏公祠季子見招展謁各賦

經始南城地恩開東海祠公車收啓事像寢儼容

儀蔓草成書帶樾花卽絳帷將非過庭日猶幸得
聞詩

重建雲隱菴

寶刹將傾日琳宮再構年佛餘迦葉地僧乏道林
錢遶塔徵前果沉灰悟宿緣願言功德就來問廢
興禪

贈汪子

世事勿復說與君聊自寬感時蕭序改行路太行
難明月流杯暢清風拂劍寒并州何處是且當故
鄉看

送朗公講解還越 月溪施錢修塔

開教逢鳩什談經得馬鳴坐中窺有相言下了無
生法雨和香氣天花落梵聲歸時多寶就刊石為
垂名

贈張二守

飾吏更兼文關西迥不群課登三輔最名向兩州
聞慷慨心傾日飛騰足致雲古來歌政樂今復見
張君

送劉守備兵維揚

為邦有令名開府向江城鯨海無傳警狼山佇偃

兵歌同五袴美贈此一錢清獨惜隋隄柳春來絳
別情

朱生將子遊太學

世濟由三事家傳自一經帝京初受館客舍尚趨
庭槐晝春飛雨花天夜聚星能令同學羨太宰舊
儀刑

四周寺訪吳山人

徒步起江東干時義氣雄倚鞍聊作賦投筆未銘
功客歲長途雪禪宵靜院風征西旌節盡門下泣
何窮

贈異僧如金

幻術傳僧吒神光顯佛圖
貼危猶引足冒險似忘
軀木末同猿挂簷間學
鳥趨佇看多寶就會有百
靈扶

黃清甫自京惠訊兼示新詩寄答

聞爾淹京國將書達故園
式微聊永歎長憶只空
言落木兼鄉淚飛花共
旅寃可能懷筆札更向五
侯門

立春日同劉侍御集張幼于赤城山房

荏苒驚時序遲迴戀物華
隔宵林帶雨拂曙海呈

霞隱跡原南郭辭流屬
大家陽春何事早先遣筆
生花

次劉守玄妙觀作

吏治聊乘暇仙源此暫過
風光延眺迥雲物寄情
多徑密全遮桂谿深半
繞蘿陽春何意早先入
郢中歌

讀劉侯至日玄妙觀之作因贈

緱嶺郡城隅綠谿路稍迂
自公移後乘攬勝駐前
驅氣動吹灰管靈探禮
斗符興來聞夢得留詠
在玄都

答章憲使

得罪因明主蒙恩念逐臣
猿啼嶺表夜花發日南
春共就青山臥俱逢白髮新
裁詩渾欲報往事不堪陳

范叅岳嘯園讌集寄賦二首

開閣懷先業爲園慕隱居
官遷四岳後情戀一丘
餘野鶴隨人鳥江鱸饌客魚
由來聞嘯父玩世欲凌虛

沈約要題賦王筠會賞心
徒然聞勝槩何自奉追
尋振策東臯遠開尊北海深
祇應孫阮輩林木響

清音

嘉靖壬戌癸亥甲子乙丑丙寅作

姪槃謹校

皇甫司勳集卷之二十二



三
正
東
海
文
庫
藏
書

